



~~C 8288~~

Ud 5360

Biblioteka Jagiellońska



stdr0007433



- 1
- 2, *Epitaphia Cphi. Merzinii* a Kurozowski.
- 3, *Dreover*, Christoph. Radziwil.
- 4, *Bursius*, Oratio funebris.
- 5, *Tacobellus*, Feralis pompa in funere A. Corvini.
- 6, *Siemek*, Andr. Lipe Lipski.
- 7, *Tacobellus*, idem g. no. 5.
- 8, Ch. de Chaluz Chalucky.
- 9, *Comenius*, Spiegel Gütten Obigkeit.



4

FERALIS POMPA

*In funere Illustrissimi ac Gloriosissimi Viri*

ALEXANDRI  
CORVINI  
GOSIEWSKI

Palatini Smolenscen: &c.

*Descripta*

à Jo: BAPTISTA JACOBELLO.

*Ser:ma Cæciliæ Renatæ Reginæ Poloniae  
& Sueciæ, Sacellano.*

Dedicata Illustrissimis DD.

STANISLAO, CHRISTOPHORO,  
& NICOLAO PACIIS.

Illustrissimi ac Excellentissimi

D. STEPHANI PAC PRO.  
Cancellarij Lithuanie Filijs Ado-  
lescentibus & Patronis Optimis.



VILNÆ, Typis Academicis Soc: JESV, Anno 1639.

7



*Illustrissimis Dominis*  
STANISLAO, CHRISTOPGORO,  
& NICOLAO PACIIS. S:

*Illustrissimi DD.*

**L**ibentius sanè, ac melius, novos huius Regni de Barbaris Triumphos, quàm luctum Cognatæ Domus, atq; vniuersæ Reipublicæ lacrymas, ob amissum Illustrissimum Dominum Alexandrum Coruinum Gosiewski, Palatinum Smolenscensem, vobis inscripsissem (Magnanimi Adolescentes.) Sed quoniâ præclara Indoles ad magna nata, idèd nunc melioribus artibus excolitur, vt fupestas aliquando Magnorum Senatorum iacturas in Patria reparet, ac vacuas sedes impleat; non immeritò magnarum quoq; virtutum speculum, obijcio ante oculos, vt non desint in adolescentia, quos futuris temporibus habeatis ad imitandum. Exemplum sanè rarum aspicietis pietatis, ac fortitudinis: hæc hominem ad Gloriam in terris, illa ad immortalẽ cum Superis vitam instituit. Fœlices, cum præclara huiusmodi ad virtutes incitamenta, non alibi requirantur à vobis, sed domi recurrant. Has igitur assidue cõtẽplando, crescite ad honores, ac munera: atq; ego interim Illustrissimis DD. Vestris fausta precatus, obsequia mea diligentissimè defero. Vilnæ die 6. Junij 1639.

*Illustriss: DD. Vestrarum*

Addictissimus Seruus

JOANNES BAPTISTA JACOBELLVS.

## FERALIS POMPÆ DESCRPTIO.

**M**oriebatur Alexander Corvinus Gosiewski, Palatinus Smolenscensis, Vir ob militarem virtutẽ æuo dignus, ac forte pectus, centies olim pro Patria praliantium ictibus expositum, nunc biennali, siue morbi, siue inimicæ Mortis obsidione conflictatum, paulatim elanguerat; cùm animus mortalis gloriæ satur, ad immortalem vitã aspirans, piẽ, sancteq; compositus, placidè euolauit ad Deum. Cecidit Heros fortissimus, Regni decus, Militiæ robur, Moscovitarum terror, Suecorum excidium; sanè primus, qui Gustauum aliquando collinavit tormento, docuitq; ceteros, posse occidi. Inuictus, illæsus, diuina sapius manu tectus, parta pace publica, pacatisque finibus, quos tuebatur, esse desijt inter viuos, viuus ipse, ac fama apud viuos nunquam

A 2



quam ampliùs moriturus. Cecidit inter plu-  
mas, quas oderat, qui semper stetit in acie  
Miles: longè ab armis, qui Mensẽ integrũ  
aliquando sub armis cibum, ac somnũ sum-  
psit: Inermem demũm confecit Mors, qui  
semper armatus in Castris pro fide, ac Pa-  
tria mori voluit. Obijt in Aula, qui longè ab  
Aula, non in Aula honores acceperat: In  
Ciuitate, qui Campum, & Castra Ciuitati  
pretulit: In Aulicorum frequentia, qui sæ-  
pius inter milites conuixit. Tres Fratres, stre-  
nuos, fortesque amisit in bello, quos olim Pa-  
trie tutela deuouerat in Liuania, filiumq;  
qui eadem viã Paternos honores, postmodũm  
Domui redditos, promereri cœperat adole-  
scens, diu inter arma, & Milites exercuit.  
Ciuilis belli, quod acriter detestabatur, filiũ,  
indutis pro Rege armis, ac stricto cum cæteris  
gladio, abrumpere voluisset, nisi solemnĩ ad  
Moscum pro Nuptijs legatione implicitum,  
caso mox per rebellionem Demetrio, ac nostris  
magna ex parte iugulatis, in ipsa Metropo-  
li per-

li perduelles sub custodia per triennium deti-  
nuissent; ubi impavidus, insultantis hostis,  
nec minas timuit, nec minari pro dignitate  
desijt. Secuto bello, is, qui Mosconiã, ac bar-  
baros Mosconitarum mores notauerat pre-  
sens, illicò Militem conscripsit, ac Seueriam  
ferè totam, adiacentesq; Prouincias infesto  
agmine peragrauit. Nullus fuit locus, reces-  
susq; tam abditus, quem non suo equo calcã-  
rit, aut sui terrore non impleuerit. Biattam  
propugnaculum fortissimum, ipsemet olim  
forti impetu cœpit, sperante nemine. Moscos,  
quoties vidit, fudit, occurritque tunc magis  
infestus, cũ longius esse crederent. Capta  
demum Moscua Metropoli, solus ipse à  
Magno illo virtutis Censore Zolkenio eli-  
gitur, qui Arcem, ac Ciuitatem regeret, &  
tum Polono, tum Lithuano Militi promi-  
scuè imperaret. Hic maximi propugnatoris  
laudem, toto Orbe in admirationem conuer-  
so, promeruit; siquidem obsidione propè tri-  
ennali, quod inauditum, in hostili Prouincia,



contra innumerabilem multitudinem, locum tenuit; prouidaq; solertia longe à suis, quorū per Annum nec Nuntium admiserat, nec Militi defuit, nec defecit ipsi Militum fides, donec frustrato per tantum tempus hostium conatu, Arcem aduentanti successori integram tradidit. Dicere solitus erat, diutius nunquam intra septum, ac murorum ambitum, quieuisse armatū corpus, sed animum, mentemq; continua sollicitudine, vigilijsq; agitatam, ubi tot hostes incessanter Machinas adhibebant, nunquam melius ad gloriam intendisse. Vix obsidione liber, obsidentem Smolenscum Mastrucam, & Moscos, parua suorum manu incredibili clade affecit, ac praesidium vix non tabe confectū, suo recreauit aduentu. Dein pactis inducijs, limitaneus trium Prouinciaram Custos, & Palatinus, retentas Arces loco Principis pleno iure administravit, ac desertas oras pacis artibus propè in pristinum decus restituit. Sed non diu Magnanimum virum  
otiari

otiari patiebatur bellicus Mars; nam ingruente ad fines Turcarum procella, ipse alibi comprimenda coniurata Suecorum audacia destinatus, arma induit, atq; impijs cognati hostis conatibus obstitit. Eundem paulo post sedifragum, ac Curlandiam inuadentem, demandata sibi praeteris cum suprema potestate armorum cura, continuit, atque insigni diuersione in aliam Prouinciā arma transferre coegit; ubi illud accidit memorandum, cum pedites in hostem praecundo direxisset, ac pugnantes sese obuertendo, locum faceret, tactus globo, qui altè perforata in occipitio galea, ceteroqui innocens, inter cutim, & ferrum, veluti per gyrum, propius ad oculum exiuit; incolumis, & sine vulnere, rediit ad suos. Certum indicium, gratiorem Deo pietatem Militum, quod magis raram, ab ijsque sepius certā mortem, cum minus sciant, diuina ope propulsari. Pactis iterum cum Sueco inducijs, ac renouato à Moscis bello, prouida ipsius solertia datum, quod Smolen-



lenschum forti milite, atque omni com meatu  
ita firmârit, ut annalem obsidionem perfer-  
ret, atq; aduentanti Regi triumphandi mate-  
riam amplissimam praberet ad muros. Ma-  
lisset grandæuus senex, intra mœnia præ-  
stantissima Arcis clausus, cum ceteris Mar-  
tis aleam subire, ac noua Moscis antiquæ  
virtutis reddere documenta; sed obtestante,  
ac vix non comminante Rege, inuitus egres-  
sus in Campum, continuò hostilem exercitū  
carpendo, & suppetias sæpius in Arcem in-  
tulit, & ultiores in apertam Prouinciam  
excursiones, progressusq; prohibuit. Tandem  
Vladislao Rege, tot victorijs inclyto, cumu-  
lata Sarmaticæ Gentis armorum gloria, atq;  
alta pace sopito Regno, dum vicini hostes  
admirabundi silent, qui hostiles Arces euer-  
terat, Tempia Deo, sibi in cœlis munimenta  
magnifico sumptu erexit, fundauitq; equato  
Campestrium Victoriarū numero. Demum  
sanctimonia totus vacans, viuendi finem ha-  
buit, quem diximus, dignū Christiano, ac pio Prin-

Principe; absq; dolore, nisi dolorem voces, do-  
lentē nimis vidisse Vxorē, Matronā præstan-  
tissimam, quæ cum Annis propè quadragin-  
ta, suscepta florentissima prole, amantissimè  
vixerat. Hanc sibi elegerat ex Paciana Do-  
mo, partis olim sub Vitepsko Trophæis, cele-  
brata in historijs, atque à ducentis Annis  
Senatoria, clara in primis, & fide erga Pa-  
triam, & Principes insigni. Huius luctum  
miserebantur omnes, cum ferale bustum an-  
te ipsam in publicum efferretur.

Præibant longo ordine Religiosi omnes,  
quotquot Vilnæ erant, accensas faces præfe-  
rentes, ac propitium Numen tanto Heroi in-  
uocantes. Respondebat ad numerum Regius  
Musicalis Cœcentus, quē sequebatur Clerus,  
& loci Suffraganeus sub Mitra, ceteroque  
Pontificali ornatu. Post hæc trabebatur sex  
equis, pretiosiori holoserico ornatis, feralis  
Currus, in quo sola Mors triumphabat, sed  
decora Mors, quæ morienti steterat pro tri-  
umpho. Pendebat circumquaq; grande stra-

B

tum



tum, eodem holoserico confectū, quod Milites aliquot in gyrum dispositi, recolligebant, collectis sepius in eo lacrymis, quæ abunde fluebant ex oculis. Iacebat in strato ex anime corpus, intra Arcam compositum, rubro holoserico ornatā, atq; argenteis capulis pulchrè distinctam. Supra caput, Christi pendentis effigies; in medio Imperatoria Claua, ac framea auro gemmisque diues: Ad pedes ipsa eadem Galea, sub qua Dei beneficio seruatus, supra Galeam scriptum Iuncta Pietate tuetur. Post hæc videre erat mæstissimam Vxorem, Filiumque in nouo Palatini Titulo reflorescentem, ceterosque Cognatos immersos in luctu. Comitabantur funus Principes Senatus non pauci, & inter eos Stephanus Pac Lithuanie Pro-Cancellarius, lugentis Matrone Germanus Frater, tum sanguine, & amore, tum virtute ac moribus mortuo coniunctissimus. Sic ventū ad Templum, inde ad Theatrum quod singulari structura erexerat Augustinus Loccius Ita.

Italus, Regius Machinarum Inuentor felicissimus. Referebat tumultuarium opus, à Militibus, non secus ac in Castris, congestis solummodo bellicis, quæ ad manus venerāt, instrumentis eleuatum. Basis erat per modum Arcis, quatuor propugnaculis, ad bellicam mensuram instructa. Merito dixisses Castrum doloris. In angulis affixo lapide legere erat.

Hic PRO DEO ET PATRIA  
BELLATORI  
FORTISSIMO  
Ibi REGIÆ MAIESTATIS  
DEFENSORI  
CONSTANTISSIMO

Alibi ACERRIMO  
ARCIVM  
PROPVGNATORI  
Alibi MILITVM  
PARENTI  
OPTIMO



*ad latera munitionum prima inscriptio*

Ob numerosos Moscorum exercitus profligatos  
Lepunam hostem infensissimum  
singulari stratagemmate  
in præceps datum  
Mastrukam, ac cæteros ab Smolensci obsidione  
fugatos

*Secunda*

Ob Smolenscum forti milite, atque omni com meatu  
ad sustinendam annalem obsidionem  
tempestiuè munitum  
Sæpius illatis suppetijs firmatum

*Tertia*

Ob Moscuam hostilem Metropolim  
Propè ad triennium summa virtute retentam,  
Atque incredibili constantia  
Contra innumerabiles copias propugnatam.

*Quarta*

Ob Imperatoriam potestatem  
sæpius summa cum laude,  
& incredibili militum amore administratam.  
Succos astu progredientes, mira arte compressos,  
Et quoties è caueis, ac latebris exciuerit,  
cæsos, victosque,  
Celeritate, industria, forti manu.

Collocabantur frequentes in gyrum, supra  
muri defensiones, bellici anei globi, quos scili-  
cet

cet accenso interius puluere, in confertam  
turbam impetum facientem, defensores pro-  
ijcere solent. Hi longo ordine propè ducenti  
emissa flamma funeri pralucebant. Erant  
alibi pensiles globi similes, qui miro artificio  
circumquaque spirabant ignes, quasi iam-  
iam in partes dissecti prosilirent. Assurge-  
bant in medio recto ordine, quatuor maiora  
tormenta, quæ flammam in altum, ac pilas,  
veluti concepto recenter igne, euomebant. Hæc  
coniungebant quatuor equestres hastæ in lon-  
gum demisse, ac per fractionem in transuer-  
sum reflexæ. Totidem integra ad punctum in  
medio inclinata, testudinem simul, & Coro-  
nam faciebant. Interposita testudinis spatia,  
Vexilla hosti abrepta, pharetra, sagittæ, fra-  
mæ, ac quidquid bellicum remanet, veluti  
in unum coaceruata, implebant. Inter ar-  
ma disponebantur quatuor maiores Clypei,  
in quorum medio huiusmodi insignia, iuxta  
contentum inferioris, inscriptionis erant ap-  
picta.



Primo loco due manus digladiantes, & ex vna parte interuolans Coruus, iuxta antiquam Coruini historiam addito versu

EXITIVM INTERMINAT HOSTI

Secundo loco Armellinus luto circumuallatus, addito versu

TVTVS ERIT CANDOR

Tertio Aquila serpentem vnguibus arreptum è cauea extrahens, addito versu

SIC PERIT EXTRACTVS LATEBRIS

Quarto laurea Corona in altum exposita, addito versu

REFERET NEGLECTA PER OTIA LABOR

In altiori testudinis parte, ac supra hastas grandior eleuabatur gladius, quem breuis fascia intersecabat, inscriptis verbis

DEO, REGI, ET PATRIÆ.

*Gladio infixæ Mors, cui insidebat demortui Gentilitium Stemma, nempe equi solea, supra soleam Crux; supra Crucem Coruus, gemmatum annulum rostro tenens. In medio igitur huiusmodi fictitiæ Arcis spatium*

ac

*ac sub umbratili testudine, strato holoserico, suppositisque quatuor ferreis galeis, Arca fortissimi Viri exuijs diues firmatur, cum Sacrum Musicali concentu fieri cepit. Concionem habuit insignis Concionator, qui singulari facundiâ in demortui laudem perorauit. Sacris peractis, factoque silentio, Illustriss: ac Excellentiss: D. Christophorus Chodkieuicius Magni, illius Caroli Nepos, Castellaneus Vilnensis, qui nomine Regis interfuert, longa Oratione, gesta, ac laudes Magnanimi Herois eloquentissimè expressit. Secutus Illustrissimus ac Excellentissimus Princeps Georgius Ossolinus Regni Pro-Cancellarius, qui locum Regine tenuit, & amplissimum de eodem. Viro recitauit elogium. Sic ordine ceteri. Tandem ferilis Arca deponitur, atque inanime corpus tumulatur, dolentibus vniuersis.*





*Claudit Pompam, quod ultimò superuenit  
Epigramma Sarmatici Poëta.*

R. P. MATTHIÆ CASIMIRI SARBIEWSKI  
Societatis IESV, Regij Concionatoris.

*Musa tene Calamum. pro nigri rore liquoris  
Gosienij in laudem flumina magna fluunt.  
Belligeri quoties rubefacta Borysthenis unda!  
Hostili quoties sanguine Duna tumet!  
Huius ripa Gothis, illius ripa Gelonis  
Vtraque pro Tumulo est, vtraque pro Titulo.  
Cætera vis? melius describunt cætera lati  
Pro chartis Campi, pro Calamis Gladij.  
Neu scribenda nigri desint ad bella liquores,  
Affundunt mæstas Natus, & Vxor, aquas.*


D. O. M.

MAGNO HEROI.

Alexandro Cornino Gosiewski Palatino Smolenscensi  
Bene merenti, Bene mærentes  
Charissimo Coniugi  
Eua Pacia, Coniux.

CHRISTOPHORVS CORVINVS GOSIEWSKI  
Palatinus Smolenscensis  
honoris Vicarius  
&  
luctus hæres  
P. P.







Hist. Polon.  
c. Mifcell.



